
LANDELIKE ONTWIKKELING EN GRONDHERVORMING, DEPARTEMENT VAN

NO. R. 571

2 Julie 2021

WET OP BEMARKING VAN LANDBOUPRODUKTE, 1996 (WET NO. 47 VAN 1996)**INSTELLING VAN STATUTÊRE MAATREËL EN BEPALING VAN RIGLYNPRYS:
HEFFINGS BETREFFENDE LUPIENE**

Ek, Thoko Didiza, Minister van Landbou, Grondhervorming en Landelike Ontwikkeling, handelende kragtens artikels 13 en 15 van die Wet op die Bemarking van Landbouprodukte, 1996 (Wet No. 47 van 1996) –

- (a) stel hierby die voortsetting van die statutêre maatreël in die Bylae uiteengesit in; en
- (b) bepaal hierby die riglynprys vir lupiene as R3 497.11 per metrieke ton.

**ME ANGELA THOKOZILE DIDIZA
MINISTER VAN LANDBOU, GRONDHERVORMING EN LANDELIKE ONTWIKKELING**

BYLAE

Woordomskrywing

1. In hierdie Bylae het enige woord of uitdrukking waaraan 'n betekenis in die Wet geheg is, daardie betekenis en tensy uit die samehang anders blyk, beteken —
 - “**die Wet**” die Wet op die Bemaking van Landbouprodukte, 1996 (Wet No. 47 van 1996);
 - “**produsent**” 'n persoon wat lupiene produseer of 'n persoon in wie se belang lupiene geproduseer word;
 - “**SACTA**” die SA Cultivar and Technology Agency NPC; en
 - “**Lupiene**” beteken die graan van die spesie *Legimus* of die Europese Lupine (*Lupinus albus*; *Lupinus angustifolius* & *Lupinus luteus*), wat gebruik word as voedsel of gebruik word in verwerking of die vervaardiging van meel of proteïen.

Oogmerk en doelwit van die statutêre maatreël en verband daarvan met die Wet

2. Die oogmerk en doelwit van hierdie statutêre maatreël is om telers van lupienevarieteite te vergoed vir hul bydrae tot die verkryging en benutting van verbeterde internasionale landbou-verwante intellektuele eiendom tot voordeel van die lupienebedryf in die Republiek van Suid-Afrika. Dit word van die landbousektor verwag om voedselsekerheid te verseker, die ekonomie te versterk en werksgeleenthede te skep. Hierdie doelwitte is in ooreenstemming met die bepalings van artikel 2(3) van die Wet. Om hierdie doelwitte te bereik en die lupienebedryf in die Republiek van Suid-Afrika se mededingende posisie te bevorder, is produksie van hoë-opbrengs oeste van saadvarieteite wat optimaal geskik is vir bepaalde streke noodsaaklik.

'n Deel van die fondse wat by wyse van die heffing ingevorder word, sal toegespits word op kleinskaalse boere en transformasie in die lupienebedryf in die Republiek van Suid-Afrika. Hierdie statutêre maatreël sal deur die SA Cultivar and Technology Agency NPC (SACTA) geadministreer word. Die heffings wat gevorder word, sal in 'n afsonderlike rekening vir lupiene geadministreer word. SACTA sal geouditeer word volgens algemeen aanvaarde rekenkundige praktyke.

Produk waarop statutêre maatreël van toepassing is

3. Hierdie statutêre maatreël is op lupiene van toepassing.

Gebied waarin statutêre maatreël van toepassing is

4. Hierdie statutêre maatreël is in die geografiese gebied van die Republiek van Suid-Afrika van toepassing.

Instelling van heffing

5. 'n Heffing word hierby opgelê op alle lupiene –
 - (a) wat deur of namens die produsent daarvan verkoop word;

- (b) wat verwerk of omskep word of laat verwerk of omskep word in 'n sojaboonprodukt, indien die sojaboonprodukt bestem is om van die hand gesit te word; en
- (c) ten opsigte waarvan 'n silo-ontvangsbewys uitgereik word, indien die heffing ten opsigte van sodanige lupiene nog nie ingevolge paragraaf (a) of (b) betaal is nie.

Bedrag van heffing

6. Die bedrag van die heffing (Belasting op Toegevoegde Waarde uitgesluit) is soos volg:

Kommoditeit	Periode	Bedrag (BTW uitgesluit)
Lupiene	1/10/2021 to 30/09/2022	R35 per ton (Gebaseer op 1% van die gemiddelde lupieneprys vanaf 2013 tot 2020)
	1/10/2022 to 30/09/2023	R35 per ton (Gebaseer op 1% van die gemiddelde lupieneprys vanaf 2013 tot 2020)

Persone deur wie heffing betaalbaar is

7. (1) 'n Heffing wat in terme van klousule 5 opgelê is, sal betaalbaar wees deur:
- (a) in die geval van 'n heffing in klousule 5(a) bedoel, die koper van die lupiene;
 - (b) in die geval van 'n heffing in klousule 5(b) bedoel, die verwerker of omskepper van die lupiene; en
 - (d) in die geval van 'n heffing in klousule 5(c) bedoel, die persoon wat sodanige silo-ontvangsbewys uitreik.
- (2) Die bedrag van die heffing wat deur die koper in terme van subklousule (1)(a) en subklousule (1)(b) betaalbaar is, kan van die produsent verhaal word.
- (3) Die bedrag van die heffing wat in terme van subklousule (1)(c) deur die uitreiker van die silo-ontvangsbewys betaalbaar is, kan van die persoon aan wie sodanige silo-ontvangsbewys uitgereik word, verhaal word.
- (4) Persone vermeld in subklousules (1)(a), (1)(b) en (1)(c) wat aan die vereistes van hierdie statutêre maatreël voldoen, mag 2,5% van die waarde van die heffing wat sodanig oorbetal is van SACTA eis, in ooreenstemming met die voorwaardes wat van tyd tot tyd deur SACTA bepaal word.

Betaling van die heffing

8. (1) Die heffing ingevolge klousule 5 opgelê moet nie later as die laaste dag van die maand volgende op die maand waarin die lupiene verkoop, vir verkoop gelewer, uitgevoer, verwerk of omgesit, of waarin 'n silo-ontvangsbewys uitgereik is, deur die persone in klousule 7 bedoel, betaal word nie.

- (2) Betaling moet ten gunste van die SA Cultivar and Technology Agency NPC gemaak word, en moet vergesel gaan van 'n behoorlik voltooide heffingopgawevorm, wat sodanige inligting bevat as wat van tyd tot tyd deur SACTA vereis word. Indien geen heffing betaalbaar is in n gegewe maand nie, moet 'n nul opgawe aan SACTA voorsien word.
- (3) Betaling moet –
- a) wanneer per pos gestuur, geadresseer wees aan –
- Die SA Cultivar and Technology Agency NPC
Posbus 74626
LYNNWOODRIF
0040
- b) wanneer per hand afgelewer, afgelewer word by –
- Die SA Cultivar and Technology Agency NPC
Graangebou Agri-hub Kantoorpark (Blok D)
Witheritestraat 477/478
DIE WILGERS
Pretoria
0184
- c) wanneer elektronies oorgeplaas, inbetaal word in die bankrekening van die SA Cultivar and Technology Agency NPC.

Voorwaardes van goedkeuring

9. Hierdie statutêre heffing is onderworpe aan die volgende voorwaardes:
- (a) Dat 70% van heffingsinkomste spandeer word aan teling en tegnologie, ten minste 20% op transformasie ooreenkomstig die NLBR se nuwe riglyne, en nie meer as 10% op administrasie;
- (b) Dat die heffings bestuur word op 'n manier aanvaarbaar vir die Ouditeur-Generaal, apart van enige ander bates of fondse van SACTA en geaudit word deur die Ouditeur-Generaal; en
- (c) Dat die aanwending van enige surplusfondse wat na die heffingstermyn mag bestaan, onderhewig sal wees aan die goedkeuring van die Minister.

Inwerkingtreding en tydperk van geldigheid

10. (1) Hierdie statutêre maatreël tree op 1 Oktober 2021 in werking en verval op 30 September 2023.
- (2) Nieteenstaande die bepalinge van subklousule (1) kan die Minister, na 'n evaluasie en hersiening van die maatreël kragtens artikel 9(1)(f) van die Wet, by kennisgewing in die Staatskoerant bepaal dat die maatreël op 'n datum in daardie kennisgewing uiteengesit, verval: Met dien verstande dat sodanige datum nie later mag wees as die datum kragtens subklousule (1) bepaal nie.